

UGOVOR

za nabavku glavnog projekta tramvajske pruge od Ilidže do Hrasnice

Ugovorne strane:

KANTON SARAJEVO

Ministarstvo saobraćaja

ul. Reisa Džemaludina Čauševića br.1

koju zastupa Ministar Mujo Fišo

u daljem tekstu: Naručilac

i

"IPSA INSTITUT d.o.o. Sarajevo"

ul. Put života bb,

mjesto Sarajevo,

koga zastupa: direktor Enko Hubanić,

u daljem tekstu: Izvršilac

I OPŠTE ODREDBE

Član 1.

(1) Na osnovu Zakona o javnim nabavkama Bosne i Hercegovine („Službeni glasnik BiH“ broj 39/14), obavještenja o nabavci br. 1242-1-2-12-3-15/18 od 17.05.2018. godine i Tenderske dokumentacije br. 04-14-14692 za nabavku glavnog projekta tramvajske pruge od Ilidže do Hrasnice, objavljene na portalu javnih nabavki dana 17.05.2018 godine, proveden je otvoreni postupak javne nabavke. Izvršilac je dostavio Ponudu br. 04-14-24608 od 08.06.2018.godine, čiji dijelovi čine sastavni dio ovog Ugovora. Dostavljena Ponuda u potpunosti odgovara tehničkim specifikacijama iz Tenderske dokumentacije koje su sastavni dio ovog Ugovora.

(2) Naručilac je na osnovu ponude Izvršioca i Odluke o izboru najpovoljnijeg ponuđača izabrao Izvršioca za nabavku glavnog projekta tramvajske pruge od Ilidže do Hrasnice, a što je predmet ovog Ugovora

II PREDMET UGOVORA

Član 2.

(1) Predmet ovog Ugovora je nabavka glavnog projekta tramvajske pruge od Ilidže do Hrasnice, koja obuhvata izradu projektne dokumentacije (Glavnog projekta), u skladu sa projektnim zadatkom Naručioca.

(2) Ugovor obuhvata sve usluge iz Obrasca za cijenu ponude (Prilog ovog Ugovora).

III VRIJEDNOST UGOVORA

Član 3.

(1) Ukupna vrijednost usluge koja je predmet ovog Ugovora iznosi:

Iznos bez PDV-a)	139.000,00 KM;
Popust na cijenu.....	40.310,00 KM
Iznos PDV- a	16.777,30 KM
Ukupno sa PDV i popustom.....	115.467,30 KM;

Slovima: (stopetnaesthiljadačetiristotinešezdesetsedam i 30/100 KM).

(2) U navedenu cijenu uključeni su svi troškovi izrade projektne dokumentacije i svi drugi izdaci za izradu projektne dokumentacije Izvršioca za završetak usluge do primopredaje projektne dokumentacije Naručiocu.

(3) Cijena je formirana na bazi vrste i količine usluga iz priloga ovog Ugovora – Obrazac za cijenu ponude. Ugovor za kompletno ponuđene usluge je na bazi fiksnih jediničnih cijena.

IV USLOVI I NAČIN PLAĆANJA:

Član 4.

(1) Plaćanje ukupno ugovorenog iznosa izvršiti će se bezgotovinski, prenosom sredstava na račun Izvršioca na slijedeći način:

– 70% ugovorene vrijednosti sa PDV-om će se platiti u roku od 15 (petnaest) dana od dana dostavljanja sljedećih dokumenata:

- glavnog projekta tramvajske pruge od Ilidže do Hrasnice, sa izvršenom eventualnom izmjenompo prijedlogu interne revizije.

– 30% ugovorene vrijednosti – zadržani dio, Naručilac će platiti po predaji glavnog projekta tramvajske pruge od Ilidže do Hrasnice, a po izvršenoj reviziji glavnog projekta od strane revidenta nadležnog za reviziju.

(2) Sve dokumente za plaćanje i garantne dokumente nasloviti i dostaviti na adresu: Ministarstvo saobraćaja Kantona Sarajevo, Ul. Reisa Džemaludina Čauševića br. 71 71000 Sarajevo.

V FINANSIJSKE GARANCIJE

Član 5.

(1) Garancija za uredno izvršenje ugovora: Izvršioc se obavezuje da Naručiocu odmah po potpisivanju Ugovora, preda bankarsku garanciju na iznos od 10% (deset posto) ukupne ugovorene vrijednosti bez PDV – a, kao garanciju za uredno izvršenje ugovora sa rokom važnosti do predaje glavnog projekta sa izvršenom eventualnom izmjenom glavnog projekta po izvršenoj reviziji glavnog projekta od strane revidenta nadležnog za reviziju. Rok za dostavu Garancije za uredno izvršenje ugovora je deset (10) dana od dana obostranog potpisivanja ugovora. Ukoliko izabrani izvršioc ne dostavi garanciju za uredno izvršenje ugovora u ostavljenom roku nakon zaključivanja ugovora, ugovor se smatra apsolutno ništavim, a prijedlog ugovora Ugovorni organ dostavlja drugorangiranom ponuđaču (ukoliko on postoji, a u slučaju da nema drugorangiranog ponuđača, poništava se postupak javne nabavke), izuzev kada je do kašnjenja došlo usljed dejstva više sile ili iz drugog opravdanog razloga kojeg će Ugovorni organ cijeniti u svakom konkretnom slučaju na osnovu podnesenih dokaza.

(2) Bankarske garancije moraju biti neopozive, bezuslovne, plative na prvi poziv, bez prava na prigovor i primjedbe, prema modelu datom u tenderskoj dokumentaciji.

(3) Ako Izvršioc ne dostavi Garanciju za uredno izvršenje ugovora u roku iz stava 1. ovog člana, Naručilac zadržava pravo da jednostrano raskine Ugovor i izvrši naplatu Garancije za ozbiljnost ponude.

(4) Naručilac će sredstva iz finansijskih garancija naplatiti zbog neizvršenja, zakašnjenja ili neurednog izvršavanja ugovornih obaveza Izvršioca. Ako iznos garancije za uredno

izvršenje ugovora nije dovoljan da pokrije nastalu štetu Naručiocu, Izvršioc je dužan platiti i razliku do punog iznosa pretrpljene štete. Postojanje i iznos štete Naručilac mora da dokaže.

VI ROKOVI

Član 6.

(1) Rok za završetak usluge izrade glavnog projekta tramvajske pruge od Ilidže do Hrasnice i predaju projektne dokumentacije Naručiocu je 90 kalendarskih dana od dana obostranog potpisivanja Ugovora.

Izvršioc će u roku od 60 kalendarskih dana u skladu sa dostavljenim obrascem za realizaciju ugovora dostaviti Glavni projekat Naručiocu kako bi se izvršila interna revizija i izvršiti eventualne izmjene projekta prema zahtjevima Naručioca, a u roku od 15 kalendarskih dana.

Naručioc će projekat sa otklonjenim eventualnim nedostacima uočenim od strane interne revizije dostaviti revidentu ovlaštenom za reviziju, a Izvršioc je dužan da otkloni eventualne primjedbe u roku od 15 dana, te nakon otklanjanja primjedbi sa revizije konačnu verziju revidovanog Glavnog projekta dostaviti Naručiocu.

(2) Ugovorne strane su saglasne da se ugovorni rok automatski produžava za vrijeme kašnjenja ili smetnji, ako su iste nastale zbog više sile.

VII UGOVORNA KAZNA

Član 7.

(1) U slučaju prekoračenja roka za završetak usluge, Izvršioc se obavezuje da Naručiocu plati ugovornu kaznu u visini od 3‰ (tri promila) od ukupne vrijednosti ugovorenih poslova bez PDV-a za svaki kalendarski dan prekoračenja roka iz člana 6. ovog Ugovora. Ugovorna kazna se obračunava od prvog dana poslije isteka ugovorenog roka završetka.

(2) Ukupan iznos ugovorne kazne ne može preći 10% vrijednosti ugovora bez PDV-a.

VIII OBAVEZE NARUČIOCA

Član 8.

Naručilac se obavezuje da:

- (1) izvrši obaveze iz člana 4. Ugovora – Uslovi i način plaćanja,
- (2) odluči o zahtjevu Izvršioca o podugovaraču u roku od 15 dana od dana zaprimanja zahtjeva,
- (3) da u roku od petnaest (15) dana računajući od dana dostavljanja Glavnog projekta od strane Izvršioca, izvrši internu reviziju i u pisanoj formi obavijesti Izvršioca da ima/nema primjedbi,
- (4) da po izvršenim izmjenama Izvršioca, prema zaključcima interne revizije, izvrši kontrolu ispravke projektne dokumentacije
- (5) organizuje reviziju Glavnog projekata, odobrenog od strane Naručioca, preda revidentu nadležnom za reviziju te snosi troškove revizije,
- (6) obavlja sve radnje za koje je po ovom ugovoru direktno zadužen.

IX OBAVEZE IZVRŠIOCA:

Član 9.

Izvršioc se obavezuje da:

- (1) odgovara za urednu realizaciju Ugovora, štiti interese Naručioca, te ga obavještava o toku realizacije ugovora,
- (2) blagovremeno dostavi finansijske garancije iz člana 5. ovog Ugovora,
- (3) snosi punu odgovornost za realizaciju kompletnog ugovora, bez obzira na dio koji je podugovorom prenio na podugovarača, članovi Konzorcija solidarno odgovaraju za izvršenje svih obaveza iz ovog Ugovora,
- (4) izradi tehničku dokumentaciju: Glavni projekat sa svim potrebnim elaboratima i tehničkim podlogama u skladu sa tenderskom dokumentacijom,
- (5) da izrađen Glavni projekat dostavi u sjedište Ugovornog organa radi interne revizije od strane Naručioca,
- (6) da po izvršenoj internoj reviziji Glavnog projekta izvrši eventualne izmjene projekta.
- (7) da po izvršenoj reviziji Glavnog projekta od strane revidenta nadležnog za reviziju izvrši eventualne izmjene projekta u roku od 15 dana.

X VIŠA SILA

Član 10.

- (1) Za svrhe ovog Ugovora, pod "višom silom" se podrazumijevaju događaji i okolnosti koje se nisu mogle predvidjeti, izbjeći ili otkloniti u vrijeme zaključenja i realizacije ugovora i koji ugovorne strane onemogućavaju u izvršenju ugovornih obaveza.
- (2) Nemogućnost bilo koje Ugovorne strane da ispuni bilo koju od svojih ugovornih obaveza neće se smatrati raskidom ugovora ili neispunjavanjem ugovorne obaveze, ukoliko se takva nemogućnost pojavi usljed dejstva više sile, s tim da je ugovorna strana koja je pogođena takvim događajem:
 - a) preduzela sve potrebne mjere predostrožnosti i potrebnu pažnju, kako bi izvršila svoje obaveze u rokovima i pod uslovima iz ovog Ugovora, i
 - b) obavijestila drugu ugovornu stranu na način koji je u datoj situaciji jedino moguć, odmah po nastanku više sile, a najkasnije u roku od 3 (tri) dana od pojave takvog događaja o preduzetim mjerama na otklanjanju štetnih posljedica dejstva više sile.
- (3) Usljed dejstva više sile ugovorne obaveze će se prekinuti, te nakon prestanka dejstva više sile ugovorne strane će kroz zaključenje aneksa ugovora utvrditi naknadni rok za izvršenje ugovornih obaveza i otklanjanje drugih posljedica dejstva više sile na ugovorne odnose i realizaciju ugovora.

XI RASKID UGOVORA

Član 11.

- (1) Pravo na raskid ugovora zadržavaju obje ugovorne strane.
- (2) Ukoliko Izvršioc u ugovorenom roku ne izvrši svoje obaveze iz Ugovora, Naručilac će dati naknadni primjereni rok za izvršenje obaveza koji ne oslobađa Izvršioca obračuna ugovorne kazne iz člana 7. ovog Ugovora.
- (3) Ako Izvršioc ne izvrši obaveze iz Ugovora ni u naknadnom roku, Ugovor se raskida, uz obavezu Izvršioca da Naručiocu nadoknadi štetu koju je pretrpio zbog neispunjenja obaveza iz Ugovora.

XII ZAVRŠNE ODREDBE

Član 12.

- (1) Izvršioc nema pravo zapošljavati u svrhu izvršenja ovog ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala Komisija za nabavke, najmanje šest mjeseci po zaključenju ugovora, odnosno od početka realizacije ugovora.
- (2) Ovaj Ugovor je zaključen i stupa na snagu danom potpisa obje ugovorne strane.
- (3) Ugovorne strane su saglasne da za sve što u ovom Ugovoru nije precizirano vrijede odredbe Zakona o obligacionim odnosima.
- (4) Sve eventualne sporove, ugovorne strane će rješavati sporazumno, u duhu dobrih poslovnih odnosa u direktnim pregovorima.
- (5) Ukoliko se sporazumno rješenje ne postigne, za rješavanje sporova nadležan je sud u Sarajevu.
- (6) Ugovor je sačinjen u 6 (šest) istovjetnih primjeraka, 4 (četiri) primjerka zadržava Naručilac, a 2 (dva) primjerka su za Izvršioca.
- (7) Prilozi ovog ugovora su dijelovi ponude: Obrazac za ponudu, Obrazac za cijenu ponude,

IZVRŠILAC
DIREKTOR



[Handwritten signature]

NARUČILAC
MINISTARSTVO SAOBRAĆAJA
KANTONA SARAJEVO



[Handwritten signature]
/Mujo Fišo /

Broj: 2358/18
Sarajevo, 16-07-2018 godine.

Broj: 04-14-14692/18
Sarajevo, 10.07.2018. godine.

[Handwritten signature]